

德化縣志卷第二十四

知德化縣事

高錫三補輯 鄒文炳再輯
沈錫三補輯 陳鼐續輯

武事

漢質帝元年廬江賊攻尋陽都尉滕撫擊破之

晉武帝咸甯五年分道伐吳太康元年正月王渾出江西

克吳尋陽

愍帝建興五年杜弼別將杜宏出海昏湓口騷動周訪步

上柴桑偷渡而擊之斬首數百宏敗走

成帝咸和二年十一月蘇峻反三年正月温嶠起義兵次

德化縣志

卷二十四武備

武事

一

於尋陽陶侃遣其督護龔登受嶠節度峻攻青溪柵卞

壺父子俱死庾亮奔尋陽五月温嶠以峻罪狀移告征

鎮灑淚登舟與陶侃同趨建業討峻斬之

隆安二年七月桓元與殷仲堪楊佺期等舉兵反軍至湓

口刺史王渝奔於臨川元遣人追獲之既而桓元求領

江荆二州以桓偉為江州鎮夏口桓振等戍湓口

元興二年桓元殺元顯以桓石生為江州詐言江州甘露

降十二月篡位辛亥帝蒙塵於江州三年逼帝西上劉

裕劉毅何無忌共謀興復元戰敗走尋陽江州刺史郭

昶之爲資其兵力器仗具乘輿法物元又逼帝西上以兵守湓口裕等破郭佗何澹之郭昶之於桑落洲進師尋陽毅與劉道規又敗之於崢嶸洲益州督護馮遷斬桓元送其首五年江州地震有聲如雷六年盧循入寇三月征南將軍何無忌與戰於豫章死之五月衛將軍劉毅戰於桑落洲又敗焉秋七月循寇荊州爲劉道規所敗復走尋陽十二月劉裕敗之於豫章明年爲交州刺史杜慧度所斬

明帝泰始元年十一月江州刺史晉安王子勛舉兵反安

德化縣志

卷二十四武備

武事

二

陸王子綏潯陽王子房臨海王子瑱皆舉兵同逆二年春正月子勛卽帝位於潯陽改年義嘉八月建安王休仁率軍討賊子勳見殺葬於廬山蒼梧王元徽二年夏五月壬午江州刺史桂陽王休範舉兵攻建康袁粲謂諸將曰孤昔受先帝付託不能綏靖國家請與諸君同死社稷披甲上馬將驅之於是陳顯達引兵出戰大破斬之進平東府臬禽羣賊六月癸卯晉熙王燮遣軍克潯陽江州平

齊武帝四年蕭頤爲 王燮長史以九江中流可以待敵

乃據湓口城爲戰守備於湓城掘塹得大錢曰太平百
歲於時城內乏水欲引水入城始鑿卽有泉水湧出昇
明二年遷江州刺史

初晉安王子懋以征南大將軍江州刺史敕留西楚部曲
助鎮襄陽單將白直夾轂自隨子懋欲將二三千人往
陳顯達曰殿下若留部曲便是大違敕旨子懋計未立
還鎮潯陽延興元年加侍中聞鄱陽隨郡二王見殺欲
起兵赴難與參軍周英防閤陸超之議傳檄荆郢入討
君側事成則宗廟獲安不成猶爲義鬼防閤董僧慧攘

德化縣志

卷二十四武備

武事

三

袂曰此州雖小孝武亦嘗用之今以勤王之師橫長江
指北闕以請鬱林之過誰能對之於是部分兵將入匡
社稷母阮在都遣書欲密迎上阮報同產弟于瑤之爲
計瑤之告明帝於是戒嚴遣中護軍王元邈平西將軍
王廣之南北討使 主裴叔業與瑤之先襲潯陽聲云
爲郢府司馬子懋知之遣三百人守湓城叔業沂流直
上襲湓城子懋先 具船於稽亭渚聞叔業得湓城乃
據州自衛子懋部曲多雍士人皆踴躍願奮叔業畏之
遣于瑤之說子懋子懋旣不出 攻叔業衆情稍沮中

兵參軍于琳之以袖障面使人害之

梁簡文帝大寶元年侯景遣任約寇江州約至湓城潯陽王大心出兵戰敗遂以州降巴山人黃法氈有勇力合徒衆保鄉里太守賀詡下江州命法氈監郡事初侯景之起莊鐵降於景復叛之潯陽王心遣其將徐嗣徽逆擊破之鐵以單騎還豫章

元帝承聖元年二月王僧辯帥兵發自潯陽帝馳檄四方購獲景及同逆者封萬戶開國公絹布五萬疋陳霸先以江州刺史帥師發自豫章次桑落洲時僧辯已發湓

德化縣志

卷二十四武備

武事

四

城會帝於白茅灣刑牲明約進次大雷軍人杜稜夢雷池君周何神自稱征討大將軍乘朱航陳甲仗下征侯景須臾便還云已殺賊衆果潰于慶自鄱陽還豫章侯瑱閉門拒之慶走江州王僧辯乘勝下湓城陳霸先出南康于慶棄城走

武帝永定三年五月北江州刺史熊曇朗殺都督周文育舉兵反王琳遣其將常衆愛率兵援余勵六月侯安都敗衆愛等於左里獲琳從弟襲主帥羊暎等四十餘人衆愛遁走廬山人斬之傳首建業

唐德宗貞元間曹王臯節度江西李希烈南侵臯與王鏐兵三千使屯潯陽而自以全軍臨九江襲蘄州遂以衆濟乃表鏐爲江州刺史

宋太祖平江南曹翰攻江州刺史謝彥實欲以城降指揮胡則與宋德明等殺彥實爲南唐固守旣而城陷翰殺胡則屠江州因載廬山東林寺鐵羅漢五百歸潁州新造佛舍調巨艦數十餘艘滿載金帛時號押綱羅漢高宗建炎三年冬十月金人自黃州渡江劉光世引軍遁知州韓杞棄城去

德化縣志

卷二十四武備

武事

五

順帝至正十一年徐壽輝兵起河南十二年正月陷武昌破瑞昌縣總管李黼檄諸鄉落聚木石於險塞以遏賊之歸路與戰大敗之逐北六十里所過木石交下橫屍蔽路殺獲二萬餘又植七星椿於沿岸水中賊舟遇椿皆不得動以火箭射之溺死無算二月賊將薄城至甘棠湖焚西門轉攻東門賊入與之巷戰黼墜馬罵賊而死十二年平章星吉復池州復湖口克江州乃柵小孤據湖口綴其要衝以圖恢復而糧乏援絕誓以死守賊以大船來攻編葦爲大筏塞上下流火之吉爲流矢所

中凡七日不食北向再拜而死吉旣死主者皆逃安慶被圍急諸將皆欲自守汎地卜顏鐵木兒收集殘兵解安慶之圍復池州諸縣五月戰於望江戰於小孤及彭澤又戰於龍開河皆破走之進復江州留兵戍守獲其僞將相四十餘人壽輝僅以身免

明辛丑八月太祖親征友諒及江州廖永忠造橋於舳曰天橋以舳傳城率軍士乘之入遂取江州友諒奔武昌進拔蘄黃興國黃梅廣濟康茂才取瑞昌癸卯四月陳友諒以兵六十萬破江州攻南昌朱文正等力戰禦之

德化縣志

卷二十四武備

武事

六

遣千戶張子明告急於京師秋七月太祖親帥舟師二十萬人西援南昌友諒解圍東出鄱湖逆戰遇於康郎山徐達迎取其前鋒一巨艘死者千五百人達回守建康戊子常遇春與漢人聯舟而戰俞通海縱火焚敵舟二十餘艘御舟膠於沙漠將張定邊欲犯御舟常遇春射退之水驟湧御舟進俞通海來援常遇春廖永忠以飛舸追定邊定邊身被百餘矢走己丑用郭興策縱火船焚友諒戰艦數百艘僞王陳友仁陳友貴平章陳普畧等皆焚死軍士殺溺死者十數萬人十里之內湖水

盡赤庚寅廖永忠俞通海趙庸汪興祖以六舸深入搏戰明師乘之大敗辛卯又敗欲退保鞋山明師據嬰子口扼之不得出是夕明舟泊左蠡相持三日未決俞通海言湖水多淺難迴旋若移軍入江據敵上流可以萬全劉基亦請移軍湖口以金木相犯日勝從之八月八日明師移屯南湖嘴江南岸列砦柵布戰艦具火舟火筏中流傳驚以俟友諒二十七日壬戌友諒糧盡遂沿江下流走禁江欲遯去明師擊大破之友諒中流矢貫睛及顛而死俘其子善兒平章陳榮以餘衆十萬樓

船若干艘降其夜張定邊以小舟載友諒尸及其子理奔還武昌

崇正十年流寇張獻忠猖獗陷蘄黃及梅廣諸縣分掠江北至德化鎮小池口遊擊張繩武率兵渡江禦之少遏其鋒後寇大至繩武兵寡無援力戰死

十七年三月闖賊陷北京馬士英等立福王於南京先是甯南侯左良玉避流賊鋒住九江關廂且一年巡道葉士彥以大義諷之乃返武昌會監軍御史黃澍與馬士英角詐爲邸報報藏太子詔詔良玉入清君側澍慙

之次年良玉叛於武昌順流東下至九江脇總督袁繼
咸以往繼咸標將郝二連左營四月焚掠九江一空而
去所過沿江郡縣皆成赤土屠剽之慘甚於流賊已而
良玉氣塞我

朝豫王帥師下江甯兇豎夢庚面縛歸誠亂乃定

國朝順治二年王師南討闖賊李自成望風而奔至瑞昌
羅城山輜重委棄如山婦女遺落數千迷路過堰山棧
道如繩險同劔閣下臨深潭人馬驚墜渰溺千餘騎八
月德化生員李扶鮮等以起義爲名聚數千人攻破瑞

德化縣志

卷二十四武備

武事

八

昌城署知縣事郭之麟死之

考通志云順治乙酉年六月德化李含初傾家起兵
狼山連破德安瑞昌未幾含初所屬王拐子私款於
我守潯將余世忠因襲狼山含初死之與所載李扶
鮮異竝識於此

五年江西提督金聲桓叛遣其黨王得仁攻陷九江僞署
吳高鎮之屬縣皆被其害八月大將軍譚太來討僞鎮
逃去

平寇紀畧

咸豐二年壬子粵逆洪秀全楊秀清等由粵入楚撲武漢九江守陳景曾護道篆撥權稅與德化令李輔募勇會清鎮軍保協籌防禦十一月中丞張文毅公芾督部卒千人由陸路至郡駐城南三年正月總督陸建瀛率舟師溯流上堵勦敗績遂東下壽春鎮恩長死之張文毅以師單無濟回顧省垣十一日逆艘蔽江下我軍因衆寡不敵敗退城虛賊入焚衙署廟宇恣搜掠三日下竄安慶陷金陵踞之十六日向提台榮督部卒萬餘由南岸至潯駐城旬日

德化縣志

卷二十四武備

武事

九

領隊循江岸尾追五月四日江忠烈公忠源由楚至潯會九江鎮總兵馬襄愍公濟美登陴備守僞丞相賴逆舟逼湖口不敢犯遂入鄱湖侵南昌張文毅奏調江忠烈馬襄愍援省八月省圍解賊迴槽窺楚過潯二十六日復陷郡城九月十五日蔣副將率守備劉裴軍由田鎮半壁山至白鶴鄉雞公嶺十六日五更賊出城繞沙河鎮襲官軍燒殺官軍七百餘人蔣副將剖腹死十七日逆衆走瑞昌二十日仍回據潯城十月九江營自省撤回力薄駐東林四年四月僞國宗石逆更至郡以城西關面江背湖兩岸築

壘環重礮以巨礮扼新壩口內遏甘棠湖水排長椿阻我陸軍進擊西南兩門之路東門外浚長濠以蓄水爲固守計又於南岸下游梅家洲築壘與石鐘山對峙起浮橋施鐵纜橫戈船以鎖湖口復城江北小池口爲犄角自是郡城不易克石逆遂上竄鄂省換逆首林啟榮踞潯城五月都司吳錫光敗賊於黃土嶺七月鎮兵聯都昌舉人袁英練勇接戰小挫八月鎮兵會袁州兵勇屯城南陸家河賊撲營袁州都司景星陣亡十月章江戰艦由南康下攻湖口初二日與賊遇不利還駐姑塘二十八日賊駢至太守

德化縣志

卷二十四武備

武事

十

元善暨趙如勝以身免賊焚舟劫軍械千總王樹英陸兵五百人戰死江軍遂潰十一月塔忠武公齊布蕩平楚寇帥所部渡江營城南時北岸羅忠節公澤南南岸胡文忠公林翼皆會師分屯曾毅勇侯國藩統水軍循江下駐北岸二套口十二月塔忠武攻新壩賊壘叅將童天雲素驍勇奮身奪柵中礮死羅胡二軍會水師攻梅家洲賊壘未拔駐盩山十八日水師蕭節愍公捷三一軍當先斬纜奪橋深入鄱湖比夜橋復合外江輜重爲賊襲水師遂分爲二有外江內河之稱越三日小池賊乘夜駛舢艫襲二套

口水軍焚礮船曾節相移駐南昌賊勢張二十八日羅忠節渡江攻小池口前軍稍卻遂收隊塔忠武率二十敢死士往助不能敵將爲賊窘乃因門祝董明聲導匿張心正張心純家暫避其鋒夜渡江歸營賊偵知心正兄弟俱被害五年正月賊分黨上陷武漢胡文忠羅忠節先後援楚仍留師圍收郡城畫地雷策於小南門外闢地道遇石止置木礮五擊東城礮裂七月十八日塔忠武卒部將周鳳山領其軍二十三日內湖蕭節愍由青山下攻石鐘山中礮洞腹死十二月周鳳山奉調援瑞州去潯郡遂無兵兼

德化縣志

卷二十四武備

武事

十一

顧六年十二月李忠武公續寶嗣統羅忠節軍復武昌次九江營城下彭宮保玉麟統內河水師楊宮保岳斌統外河水師曾節相巡營勞師二十八日賊率衆出東門被創退自是麴守不復出七年李忠武撥民夫開濠五道築長圍以輔兵力之不足諸大帥慮小池梅家洲爲賊羽翼不滅此終難圖潯城一等子爵鮑超列五營駐二套口規復小池將軍都興阿都統多隆阿軍駐黃梅孔壠驛正月多將軍領馬步兵奪段窰鎮賊卡三月初八日又分兵三路破程家營賊壘殺賊千餘旋撤兵分遊騎屯陸家嘴爲鮑

軍聲援小池賊城甚固鮑提軍乘夜以長梯倚墉登數級受礮石重傷創甫復攻愈力八月十三日李忠武北渡度地勢將環城而營賊恐絕糧道又因鮑軍力攻於十五夜棄城遁我軍督馬步尾追殲數百人小池復郡賊遙見氣燄始奪魄九月彭官保以內河水師敗賊湖中進攻石鐘山分遊擊黃翼升攻梅家洲楊岳斌以外江水師夾擊李忠武以弟勇毅公續宜率馬步兵爲聲援彭官保用邑庠沈蘭生策統陸路軍潛濟八里江繞石鐘山背緣崖巔鼓噪下擊賊驚潰九月九日遂拔石鐘山梅家洲賊營赭其

巢斷浮橋以合水師賊援絕逆勢孤十月李帥撥民夫堵雷家渡口遏湖水營官牌夾護外江糧艘於八里湖設礮船通運道並防賊上竄復堵城東白水湖口排礮船於湖中岸上立旱營防賊下逸先是梅家洲未克白水湖不立水旱營恐背腹受敵兼有圍師缺一之意至是圍勦始密八年李忠武仍用地雷策穿地道屢爲石阻有本邑庠生洪炳奎年逾七旬素精堪輿詣軍門獻手錄潯陽蹠醢二編內載九江地形如龜四面多石堅不可破因指畫東門一帶如腹脅可通土道忠武從其請乃於二月下旬營平

嶺暗穿地道於洞口掘土龕身親寢處督工四十餘日穿
穴五其三遇水迤邐至東城根者僅存其中實火葯將
舉發恐謀洩乃先於三月十三日以陸軍三面輪攻水師
乘風濤梭織轟擊以淆賊聽如是者半月地雷震城坍丈
餘我軍爭先登礮甄石不得進賊隱身城堞擲石塊火葯
傷亡戰士將七百人四月初七日地雷復發東城橫圮二
十餘丈衆軍突煙上副將李續燾將白旗先登分馬步隊
破新壩鐵柵由西路入水師自北門登城逆首林啟榮率
賊巷戰我軍乘勝宣威盡殄之林逆死亂軍中逸賊悉梟

德化縣志

卷二十四武備

武事

十三

水死無脫者九江郡城復